

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

CHAPTER 13. JESUS IN THE DISPENSATION FOR RESTORATION

SURA YA 13. YESU KATIKA TOLEO LA UKOMBOZI

Yesu alikuwa na wajibu wa kumtiisha (kumsambaratisha) Shetani. Ili kufanya hivyo ilimbidi kufuata mlolongo wa mfumo ambao Mungu aliuonyesha kama ishara na taswira katika milolongo ya Yakobo na Musa (Kumbukumbu la Torati 18:18, Yohana 5:19). Lakini kama Waisrael chini ya Musa walivyoanguka katika kukosa imani mwituni, Waisrael wakati wa Yohana Mbatizaji walitokomea katika ukosefu wa imani, kukiwa na matokeo ambayo yalisababisha mlolongo wa kiwango cha dunia nzima cha Yesu kwa ajili ya ukombozi wa Kanaan kuendelea kupitia majaribio matatu au milolongo.

I MLOLONGO WA KWANZA WA UKOMBOZI WA KANAAN KATIKA KIWANGO CHA DUNIA NZIMA.

A. Msingi wa Imani

1. Kiongozi Mkuu wa kukomboa Msingi wa Imani

Kiongozi mkuu mwenye wajibu wa kuandaa msingi wa toleo la ukombozi wakati wa Masihi ulikuwa “nyoosheni njia ya Bwana” (Yoh 1:23) huyu kiongozi mkuu alikuwa Yohana Mbatizaji, ambaye alikuwa mkuu sana kati ya waliozaliwa na wanawake (Math. 11:11). Kama ilivyoielezwa katika sura ya mlolongo wa Musa, kurudiwa ukosefu wa imani kwa Wasirael kulimpa nafasi Shetani kushambulia mwili wa Yesu, ambao ulikuwa ni mwilisho wa mwamba na tembe za jiwe. Kwa hiyo kipindi cha historia yao, Mungu aliwaelimisha watu wateule wasiwe wakosefu wa imani. Aliwatuma manabii wengi, hasa nabii

Eliya, kuwaelimisha watu kuungana kabisa, chini ya maadili ya hakalu ambalo kwalo ni taswira ya Yesu. Hata hivyo, Waisrael kwa sababu waliendelea kutokuwa na imani, lengo pekee la Eliya, ambalo lilikuwa kuwageuza Waisrael kutokana na ukosefu wao wa imani kurudi kwa Mungu halikutimizwa. Kwa hiyo, Mungu alisema ya kuwa Eliya atarudi tena – ili kukamilisha jukumu lake (Mal. 4:5). Kurudi kwa Eliya kulitimizwa katika mtu Yohana Mbatizaji (Luka. 1:17; Math. 11:14, 17:13) alikuwa ni mtu aliyekuwa na wajibu wa kuweka msingi wa imani kwa ajili ya Masihi.

2. Sadaka iliyohitajika ili kukomboa Msingi wa Imani:


Kama ilivyofafanuliwa katika somo la “Musa katika toleo la ukombozi” kwa kuanza na toleo la zama za Musa, kipindi cha malipizi kwenye msingi wa hesabu ya arobaini (ambacho kinatajwa kama kipindi cha malipizi chenye msingi wa kipindi cha arobaini). Kikawa kipindi tosha kutimiza sharti la kujitenga toka kwa shetani. Kwa maneno mengine, katika nafasi ya kutoa sadaka, kiongozi mkuu aliyekuwa aweke msingi wa imani angefanya hivyo akiwa ameunganika na Neno la Mungu baada ya kuweka kipindi cha arobaini cha malipizi cha kutenganishwa na shetani kwa kutimiza sharti hili, angetimiza sharti la malipizi ambalo linakomboa Msingi wa Imani.

Yohana Mbatizaji alikuwa anasimama katika msingi wa kipindi cha arobaini cha kutenganishwa na shetani, kipindi cha miaka mia nne cha maandalizi ya kumpokea Masihi, ambacho kilianza na nabii Malaki. Kupitia maisha yake ya kujinyima, Yohana aliweza kujitenga toka kwa shetani na kuweka msingi wa imani. Yohana aliishi mwituni akila nzige na asali, akijihusisha na kufikiria juu ya nia ya Mungu; hivyo makuhani na watu wa Israel waliyatazama maisha yake ya imani kwa heshima kuu.

B. Msingi wa Matendo

1. Kiongozi mkuu kwa ajili ya Msingi wa matendo

Yohana mbatizaji alikuwa pia katika nafasi ya Abeli kwa ajili ya msingi wa matendo, ndiyo kusema, alikuwa kiongozi mkuu katika ujenzi wa msingi wa matendo. Jukumu la Musa lilipelekwa kwa Yoshua, na mwisho kwa manabii akiwemo Eliya, na mwisho kwa Yohana Mbatizaji. Kwa hiyo Yohana Mbatizaji alikuwa anasimama kwenye nafasi ya Musa. Musa alikuwa kiongozi mkuu kwa ajili ya msingi wa imani (katika nafasi ya wazazi) na kiongozi mkuu kwa ajili ya msingi wa matendo (katika nafasi ya mzawa wa pili). Vilevile, Yohana Mbatizaji alikuwa na majukumu mawili ya kuweka msingi wa imani na kusimama katika nafasi ya Abeli kama kiongozi mkuu kwa ajili ya Msingi wa Matendo.



2. Kuweka Msingi wa Matendo

Msingi wa kitaifa wa matendo ungekuwa umewekwa na Waisrael kwa upendo na utii kwa Yohana Mbatizaji ambaye alikuwa Abeli wao wa taifa. Mungu alishawatayarisha wateule kumwamini kwa dhati Yohana Mbatizaji kama nabii maalum wa Mungu. Kila mmoja alijua ya kuwa nabii mkubwa wa Mungu, sababu walikwisha sikia utabiri wa Malaika juu ya kuzaliwa kwake, miujiza ya baba yake ya kuwa bubu

hekaluni, na miujiza na ishara zilizotokea wakati wa kuzaliwa kwake. Watu wote wa Yudea walimwangalia (mhusudu) kwa shauku kubwa tangu akiwa mtoto. Kama Luka 1:65-66 asemavyo, na hofu iliwaingia majirani wote. Na mambo yote haya yalizungumzwa kwenye eneo lile la milima ya nchi ya Yudea; na kila aliyeyasikia aliyaweka moyoni mwake kwa kusema, “je, mtoto huyu atakueje baadae? Kwani mkono wa Bwana u pamoja naye”. Zaidi ya hayo, imani ya Yohana ilikuwa ya kipekee mno kwamba wengi wa makuhani wakuu na watu wa Israel walifikiri kuwa pengine hata anaweza kuwa Masihi (Yoh 1:19; Luka 3:15). Hivyo, watu wa Yudea waliokuwa katika nafasi ya Kaini walimwamini Yohana Mbatizaji na kumfuata kana kwamba alikuwa Masihi mwenyewe, na kwa jinsi hii waliweza kuweka msingi wa kitaifa wa matendo.

C. Msingi kwa ajili ya Masihi

Msingi wa Imani na Msingi wa Matendo iliowekwa na Yohana Mbatizaji yote kwa pamoja iliweka msingi kwa ajili ya Masihi. Msingi kwa ajili ya Masihi ni watu waliotayarishwa kumtumikia na kumhudumia Masihi ili kutimiza kusudio lake. Kwa hiyo, kama mwakilishi wa viongozi wote wakuu waliofanya kazi kwa bidii katika muda wote wa historia ya toleo la kuweka msingi kwa ajili ya Masihi Yohana Mbatizaji angemtumikia Masihi zaidi ya mtu mwingine yeyote. Zaidi ya hayo, katika msimamo wa msingi huu kwa ajili ya Masihi, Yohana Mbatizaji alipaswa kuwaongoza Waisrael kumwamini Yesu na kumfuata; akiweka hali ambayo ingemwezesha Yesu kutekeleza kwa urahisi toleo la ukombozi. Hata hivyo, ingawa Yohana Mbatizaji alishaanzisha msingi huu na kumshuhudia Yesu kama Masihi hakumfuata Yesu (Yoh. 1:29-34). Zaidi ya hayo, Yohana baadae alikuja kuwa na mashaka kama Yesu alikuwa Masihi (Math. 11:3). Pia, pamoja na kwamba alikuja kama Eliya hakuelewa hili na alilikana (Yoh. 1:21). Kwa sababu watu waliamini utabiri wa Malaki kwamba Eliya atakuja kabla ya Masihi. Kukataa kwa Yohana kwamba

alikuwa Eliya kuliwachanganya watu na hivyo hawakujua wamwamini Yesu au Yohana na hali hiyo ikaziba njia kwa Waisrael kuelekea kwa Yesu. Kwa hiyo msingi kwa ajili ya Masihi ambao Yohana Mbatizaji alianzisha haukufanya kazi kama msingi kwa ajili ya Yesu, lakini ukaziba njia kati ya Yesu na watu wateule.

Msingi kwa ajili ya Masihi ni msingi ambao Mungu atatimiza kabisa dhumuni la toleo lake. Hata hivyo, msingi huu haukuweza kufanikisha kama msingi kwa ajili ya kumtumikia Masihi. Ambaye alipaswa kuwa kitofu cha toleo. Matokeo yake, msingi huu kwa kweli ulishindwa. Pamoja na kuwa Mungu alimtayarisha Yohasna Mbatizaji kwa uangalifu mkubwa kwa ajili ya Yesu, Yohana hakumfuata Yesu, na kwa jinsi hii akapoteza sifa yake ya kuwa mtu wa kihistoria katika nafasi ya Abeli. Na matokeo yake, mlolongo wa kwanza wa kiwango cha dunia nzima wa ukombozi wa Kanaan ukaishia katika kushindwa.

II. MLOLONGO WA PILI WA UKOMBOZI WA KANAAN KATIKA KIWANGO CHA DUNIA NZIMA

A. Msingi wa Imani

1. Kiongozi mkuu kwa ajili ya kukomboa msingi wa imani – Yesu arithi jukumu la Yohana Mbatizaji


Kwa sababu ya ukosefu wa imani wa Yohana Mbatizaji kwa Yesu, Msingi wa Imani katika mlolongo wa kwanza wa ukombozi wa Kanaan katika kiwango cha dunia ulivamiwa na shetani. Masihi alikuja lakini msingi kwa ajili ya Masihi uliporomoka, bila kuacha nafasi kwa Yesu kusimama kama Masihi. Masihi huweza kutokea pale ambapo kuna msingi huru mbali na shambulio la shetani. Kwa hiyo Yesu alisukumizwa kutekeleza masharti ya malipizi ambayo yangeukomboa msingi kwa ajili ya Masihi yeye mwenyewe. Na wakati wakifanya hivyo hakuwa katika mamlaka ya masihi, bali katika ile nafasi ya Yohana Mbatizaji.

Kwa kuwa Yesu alikuwa mwana wa Mungu na alikuwa awe Bwana wa

utukufu, asingeenenda katika njia ya mateso (I Wakor 2:8). Hata hivyo, Yohana Mbatizaji, aliyezaliwa kwa ajili ya kunyoosha njia ya Bwana (Yoh. 1:23; Luka. 1:76), alishindwa kutimiza jukumu lake. Kwa hiyo, Yesu alilazimika kulirithi jukumu la (utume wa Yohana) Yohana Mbatizaji na yeye mwenyewe atayarishe msingi kwa ajili ya ujio wake kama Masihi. Hivyo, katika mlolongo wa pili wa ukombozi wa Kanaan katika kiwango cha dunia, Yesu alikuwa kiongozi mkuu ambaye ilimbidi alipe fidia ya kukomboa Msingi wa Imani.

2. Sadaka iliyohitajika kwa ajili ya kukomboa Msingi wa Imani

Kiongozi mkuu anayewajibika kukomboa msingi wa imani angeweza kuweka msingi huu kwa kuwa mmoja na Neno la Mungu baada ya kuweka kwanza kipindi cha msingi-wa arobaini cha kutengana na Shetani. Ili kufanya hili, Yesu alifunga kwa siku arobaini na kushinda (majaribu matatu) vishawishi vitatu toka kwa Shetani. Yesu alitimiza masharti haya siyo kama Masihi, lakini kama mtu anayerithi jukumu la Yohana Mbatizaji. Kwa maneno mengine, alitimiza masharti haya ili kukomboa Msingi wa Imani toka kwenye nafasi ya kiongozi mkuu aliyehusika katika kuweka Msingi kwa Ajili ya Masihi, na si kama Masihi mwenyewe.



Hebu tuangalie sababu za kipindi cha siku arobaini za kufunga kwa Yesu na kusali na kushawishiwa mara tatu. Katika mlolongo wa ukombozi wa kitaifa wa Kanaan chini ya uongozi wa Musa, mwamba uliyoashiria Yesu (I Wakor 10:4) ulishambuliwa na Shetani kwa sababu ya hasira za Musa kwa Waisrael kukosa imani. Uvamizi huu ulibaki kama msingi wa mbali kwa ajili ya kumshambulia Yesu moja kwa moja ambaye ni mwamba wa kweli kama wateule wangekosa imani tena wakati wa Yesu.

Yohana Mbatizaji alikuwa kiongozi mkuu ambaye angesitisha haya yasifanyike-kwa kupigana dhidi ya Shetani ili kujenga msingi wa imani. Hata hivyo, Yohana alishindwa kumwamini Yesu. Pamoja na kutokuwa na imani kwa Yohana Mbatizaji kuwa sababu ya moja kwa moja, Yesu asingeendelea mbele bila shambulio la Shetani la moja kwa moja na akawa mlengwa wa shabaha ya mashambulizi ya Shetani ya kila mara – kwa hiyo, Yesu mwenyewe ilimbidi atimize sharti la malipizi la kipindi cha msingi – wa arobaini kwa ajili ya kutenganishwa toka kwa Shetani kwa kufunga kwa siku arobaini na kulishinda shambulio la Shetani, ambalo lilijidhihirisha katika vishawishi vitatu.

3. Majaribu matatu ya Shetani.

Katika Mathayo 4:1-10 tunasoma kwamba Shetani alimjaribu Yesu kwa njia ya majaribu matatu. Dhumuni la awali la Shetani katika kumshambulia Yesu kwa kutumia majaribu haya, haikuwa kwa ajili ya kujaribu hali ya nje au nguvu ya Yesu ya kufanya miujiza, lakini kwa udhati yalilenga kumzuia Yesu katika kutimiza dhumuni lake kama Masihi. Kwa kuwa Masihi anakuja kukomboa dunia iliyokusudiwa wakati wa uumbaji, ambapo haikuweza kuanzishwa kwa sababu ya shetani, kwa mtazamo wa Shetani, kutimizwa kwa dhumuni lake Masihi kungemaanisha kumwangamiza Shetani milele. Kwa kuwa Ufalme wa Mbingu upo katika msingi wa *Kanuni*, na kwa kuwa Adam alishindwa kufuata *“Kanuni”*, majaribu ya Shetani yalilenga *“Kanuni”*,

na majibu ya Yesu yalipaswa kuwa katika *Kanuni*. Kwa upekee zaidi, dunia ambayo Masihi inabidi aiombe ni ile iliyokusudiwa wakati wa uumbaji, ambayo ni dunia iliyo chini ya msingi wa kutimiza baraka tatu za Mungu. Hivyo, Yesu ilimlazimu adhihirishe Baraka Tatu, na jaribio la Shetani la kumzuia Yesu kutotimiza dhumuni lake lilikuwa ni kwa njia ya majaribu matatu ambayo msingi wake ulikuwa katika Baraka Tatu.

a. Jaribu la kwanza

Katika jaribu la kwanza, shetani alimtokea Yesu na kusema “.....Kama wewe ni Mwana wa Mungu yaamuru haya mawe yawe vipande vya mkate” (Math. 4:3). Mawe katika milki ya Shetani yaliwakilisha tembe (vipande) za mawe na mwamba ambao ulipigwa mara mbili na Musa. Kwa sababu ya ukosefu wa imani wa wateule Musa alivunja tembe za mawe na kupiga mwamba mara mbili, alitoa uwanja kwa Shetani kudai (kuchukua) mwamba. Mawe ambayo shetani aliyatumia kumjaribia Yesu yaliashiria Yesu mwenyewe kama mwamba wa kweli na tembe ya kweli ya jiwe. (I Wakor. 10:4; Ufu. 2:17).

Pale wateule walipokosa imani, kama walivyokuwa wakati wakiwa mwituni, shetani alikuwa katika nafasi ya kumshambulia Yesu, ambaye alikuwa umwilisho wa Neno ambalo liliashiriwa na tembe za mawe. Yesu ilimbidi ashinde hali hizi. Shetani alijua fika kwamba Yesu alikwenda mbugani kukomboa mwamba, hivyo shetani alimjaribu Yesu abadili mwamba kuwa mkate, sababu Yesu alikuwa na njaa kama Waisrael wasio na imani walivyokuwa wakati wa Musa. Kama Yesu angekosa imani na kuacha dhumuni lake la kukomboa mwamba achague kuamuru jiwe liwe mkate ili kujaza tumbo lake la njaa, hapo Shetani angekuwa amefanikiwa katika kumzuia Masihi asitimize dhumuni lake. Kwa kumuweka Yesu chini ya mamlaka yake, Shetaniangepata kulimiliki jiwe milele (daima).

Jibu la Yesu kwa kishawishi hiki lilikuwa “.....mtu hataishi kwa mkate

tu ila kwa kila neno linalotoka kwenye kinywa cha Mungu” (Math. 4:4). Hii ina maana kuwa hata kama mwili wa mtu utaishi kwa kula mikate, maisha yake hayatokuwa timilifu. Mtu atakuwa mzima pale tu, kwa kuongezea, ataishi kwa mkate wa uzima, ndiyo kusema kupitia kwa njia ya Kristo, ambaye ni Neno la Mungu lililofanywa mwili (Yoh. 6:35,51). Jibu la Yesu kwa kishawishi cha kwanza cha Shetani humaanisha kuwa hata kama atakuwa na njaa kali, mkate kwa mwili wa maungo si suala halisi. Yesu ilimbidi ashinde kishawishi cha shetani na kuwa mkate wa uzima wa Neno la Mungu, mkate utoao uzima kwa watu wote.

Kwa ushindi huu wa kishawishi cha kwanza, Yesu alitimiza sharti la kuweka tena umwilisho wa kweli wa mawe ambao ulipotelea kwa Shetani katika mwitu kwa sababu ya ukosefu wa imani wa wateule. Kwa maneno mengine, kwa kushinda kishawishi hiki (katika nafasi ya Yohana Mbatizaji), Yesu kiishara alikomboa nafasi ya Masihi, kielelezo cha mtu mkamilifu. Kwa kufanya hili, Yesu aliweka msingi wa kukomboa baraka ya kwanza ya Mungu kwa binadamu, hatua ya kwanza ya kukamilisha dhumuni la Mungu kwa ajili ya uumbaji.

b. Jaribu la pili

Katika jaribu la pili, Shetani alimweka Yesu katika mnara wa Hekalu na kusema, “.....kama wewe u Mwana wa Mungu jitupe chini...” (Math. 4:6). Yesu alijitambulisha kama hekalu (Yoh. 2:19-21) na waumini pia wanaitwa mahekalu ya Mungu (I Wakor. 3:16). Waraka wa kwanza kwa Wakorintho 12:27 unatuambia kuwa waumini ni wanachama (viungo) wa mwili wa Yesu. Kwa hiyo, tunaweza kumuelewa Yesu kuwa ni hekalu kuu na waumini ni hekalu matawi. Kwa Shetani kumuweka Yesu mnarani mwa hekalu ina maana kuwa, kama matokeo ya ushindi wa Yesu wa jaribio la kwanza, Shetani ilimbidi atambue mamlaka ya Yesu kama Bwana wa Hekalu. Ombi la Shetani kwa Yesu la kumtupa chini toka juu ya kilele cha hekalu ilikuwa si kujaribu uwezo wa Yesu kufanya maajabu, lakini ilikuwa ni

kumjaribu aachie nafasi yake kama Bwana wa hekalu, kujirusha chini na kuwa kama mtu aliyeanguka, hivyo kukomesha ukombozi wake kwa watu ambao ni hekalu matawi. Kama Shetani alivyomiliki dunia kama Bwana batili baada ya kusababisha anguko la Adam (2 Wakor. 4:4; Yoh. 12:31), Shetani angekuwa bwana wa hekalu katika nafasi ya Yesu, kama Yesu (Adam wa pili) angekubali kishawishi hiki.

Kufikia hatua hii Yesu alisema, "...Usimjaribu Bwana Mungu wako" (Math. 4:7). Shetani ni malaika aliyeanguka; mtu wa kweli lazima awe na mamlaka juu ya malaika. Kwa hiyo, malaika aliyeanguka alikuwa kimaumbile chini ya mamlaka ya Yesu. Ingawa Shetani anaweza kuendesha dunia kwa muda kama bwana wake batili, jaribio lake la kusimama katika nafasi ya bwana wa hekalu lilikuwa ni tendo kinyume cha Kanuni. Shetani, malaika wa anguko, asingethubutu kumjaribu Mungu. Bado alifanya hivyo kwa kumjaribu Yesu, kwani Yesu aliposhinda kishawishi cha kwanza, alikuwa anakomboa nafasi yake kama mtu wa kweli na mtu binafsi, na hivyo alikuwa hekalu la kweli na mwili wa Mungu. Jibu la Yesu lilikuwa karipio kwa Shetani kwa tendo lake lisilo la Kikanuni, na ilimaanisha kuwa Shetani lazima amwache na aache kumjaribu mwakilishi wa Mungu na mwana wa kweli. Yesu alikuwa hekalu kuu na Baba wa Kweli wa watu. Kwa kushinda jaribio la pili, aliweka sharti ambalo litamwezesha kukomboa waumini kama hekalu – matawi, ndiyo kusema kama watoto wake. Kwa ushindi wa jaribu hili, Yesu alijenga msingi wa kukomboa Baraka ya Mungu kwa mtu, hatua ya pili kuelekea kutimiza dhumuni la Mungu kwa ajili ya kuumba.

c. Jaribu la tatu

Katika jaribu la tatu, Shetani alimpeleka Yesu mlimani kileleni na kumwonyesha tawala zote za dunia na utukufu wake. Na hapo alisema..... "vyote hivi nitakupa, kama utaanguka chini na kuniabudu mimi" (Math. 4:9). Ni wazi kwamba hakuna mlima (mrefu) ambapo tawala na falme zote za dunia zinaweza kuonekana, je,

kumpeleka Yesu kwenye mlima huu mrefu kunamaanisha nini?
Kwa sababu ya anguko Adam alipoteza mamlaka yake kama bwana wa uumbaji na akatokea kumilikiwa na Shetani; hivyo kimaumbile Shetani akawa mtawala wa uumbaji badala ya Adam (I Wakor. 8:20). Mungu alimtuma Yesu awe Adam mkamilifu, na kwa hiyo, Bwana wa Uumbaji (Mungu aliweka vyote chini ya Kristo) (I Wakor. 15:27). Shetani alijua hili, na kwa kuwa Yesu alikuwa mshindi katika kishawishi cha kwanza na cha pili, Shetani alilazimika kumweka Yesu katika nafasi ya bwana wa uumbaji. Hii ndiyo maana ya Yesu kuongozwa mlimani ambapo falme zote za duniani na utukufu wake unaonekana. Na hivyo, Shetani alimshawishi Yesu kuwa bwana wa uumbaji kama Yesu angemwabudu (Shetani). Shetani alitaka Adam wa pili kumwangukia kama Adam wa kwanza alivyomwangukia katika Bustani ya Eden.

Yesu alijibu “ ‘.....Mwabudu Bwana Mungu wako, na yeye tu, umtumikie’ ” (Math. 4:10). Malaika waliumbwa kuwa roho-tumikaji (Waheb. 1:14), kuabudu na kumtumikia Mungu. Jibu la Yesu linakumbusha kanuni hii kwamba Shetani, malaika wa anguko, lazima amwabudu na kumtumikia Mungu. Kwa maumbile na kanuni hii, Shetani pia lazima amwabudu na kumtumikia Yesu, kwa sababu Yesu alikuwa hekalu la Mungu.

Kwa kushinda majaribio mawili ya kwanza, Yesu alishajenga msingi ambao ungemwezesha yeye kukomboa kwa ajili ya kila mtu Baraka ya Kwanza na ya Pili ya Mungu. Katika msingi huu ilibidi pia akomboe Baraka ya Tatu kwa ajili ya mtu, umiliki wa mtu kwa uumbaji. Pamoja na kwamba Yesu angepata falme zote za dunia na utukufu wake kama angemwangukia (kumwabudu) Shetani, dhumuni lake kama Masihi lisingetimizwa. Yesu alijibu kuwa pamoja na kwamba Shetani angempa mamlaka juu ya uumbaji, hathubutu kuanguka chini na kumwabudu Shetani, kwani yeye (Yesu) alikuwa hekalu la Mungu. Majibu ya Yesu yalilenga kwenye “kanuni” na hivyo alikuwa mshindi.


Kwa kushinda kishawishi cha tatu, Yesu aliweza kutimiza masharti ya kumkomboa mtu juu ya mamlaka ya uumbaji. Kwa maneno mengine, aliweka msingi kwa ajili ya kumkomboa mtu ili apate Baraka ya Tatu.

Jaribu la Kwanza	Jiwe igeuzwe Mkate	Baraka la Kwanza	Kukamilishwa kwa mtu binafsi
Jaribu la Pili	Hekalu	Baraka la Pili	Kuzaa watoto wengi
Jaribu la Tatu	Mafalme za Dunia	Baraka la Tatu	Utawala juu ya Vitu vyote
Mathayo 4 : 1-11			

Hivyo, kwa njia ya kuvumilia fungu ya siku arobaini na kushinda vishawishi vitatu vya Shetani, Yesu katika nafasi ya Yohana Mbatizaji, alijenga msingi wa Imani.

B. Msingi wa Matendo

Siku arobaini za fungu ya Yesu na kusali kwa ajili ya msingi wa imani na kumshinda shetani na vishawishi vyake vilimweka Yesu kuwa kiongozi mkuu na Abeli wa msingi wa kitaifa wa matendo. Matokeo yake kama watu wa Israel, waliokuwa katika nafasi ya Kaini, wangeamini, kutumikia, na kumtii Yesu, ambaye alikuwa katika nafasi ya Abeli alioibadili badala ya Yohana Mbatizaji, msingi wa kitaifa wa matendo ungeanzishwa. Msingi huu wa matendo pamoja na msingi wa imani ungejumuisha msingi kwa ajili ya Masihi, na huo ungemwezesha Yesu kuondoka nafasi ya Yohana Mbatizaji kwenda nafasi ya Masihi.



Kama Yesu angeweza kupata msingi huu wa ushindi duniani hapo angeweza kufanikisha kuzaliwa mara ya pili kwa ukamilifu kwa watu na angeweza kwa utimilifu kutimiza dhumuni la Mungu la uumbaji. Kwa hiyo, Yesu alifunua siri za ufalme wa mbingu katika kuongea na kujishuhudia yeye mwenyewe kwa njia ya kutenda miujiza – yote ililenga ili watu wamwamini na kumtii (Yoh. 10:38). Kwa kuwa ilihusu msingi wa matendo kwa ajili ya msingi wa taifa kwa ajili ya Masihi, ilikuwa muhimu sana kwa viongozi wa Uyahudi na watu kumtumikia Yesu na kufuata kusudio lake, kwa kuwa alikuwa katika nafasi ya Abeli. Hata hivyo, viongozi wa watu, kama vile walawi, makuhani na wanasheria walikuwa mstari wa mbele kutomwamini Yesu. Na watu kwa ujumla walitokomea kutomwamini na hata walianza kumsingizia (kumpakazia) Yesu. Na hata toka hatua za mwanzo za huduma ya Yesu, mafarisayo walisema kuwa alikuwa mtenda dhambi (Yoh. 9:16,24) ingawa kwa kweli hakuwa na kosa lolote. Katika matukio mengi watu walichukua mawe na kumrushia Yesu, ingawa alikuwa akiwafundisha ukweli (Yoh. 8:59; 10:31). Yesu wakati mwingine ilibidi ajifiche, kwa sababu ya mipango ya siriya watu ya kutaka kumuua (Yoh. 7:1; 8:40).

Wakati huo, Shetani ambaye alikuwa ameshindwa katika (zoezi lake la) vishawishi, aliondoka toka kwa Yesu “mpaka muda mwingine” (Luka 4:13). Kuondoka kwa shetani mpaka muda mwingine iliashiria kuwa shetani

hakuondoka kabisa kabisa na angeweza kurudi tena kwa Yesu. Kwa kuwa Yesu alishinda majaribu ya shetani, shetani hakuweza kumshambulia tena moja kwa moja. Hivyo shetani alikuwa ajaribu kumshambulia kupitia kwa watu, na aliwalenga viongozi waliotokomea katika ukosefu wa imani, na hatimae juhudi zake zilimlenga Yuda Iskarioti. Waraka wa kwanza kwa Wakorintho 2:8 unasema, “Hakuna hata mmoja wa watawala wa zama hizi waliolijua hili, na kama wangejua, wasingemsulibisha Bwana wa utukufu”. Mtazamo wa watu kwa Yesu ulizidi hali ya kawaida ya kutomwelewa. Walijenga mtazamo mzito wa kutomwamini kwa kiasi kwamba walimwogopa na wakanuia kwamba aondoshwe na walimsulibisha. Kwa sababu ya ukosefu wa imani ya watu hawa, msingi wa matendo haukujengwa. Kutokana na hali hiyo msingi kwa ajili ya Masihi haukujengwa katika mlolongo wa pili wa ukombozi wa Kanaan katika kiwango cha dunia; kwa matukio hayo, mlolongo wa pili wa ukombozi wa kitaifa katika kiwango cha dunia pia ulishindwa.

III. MLOLONGO WA TATU WA UKOMBOZI WA KANAAN KATIKA KIWANGO CHA DUNIA NZIMA.

A. Mlolongo wa kiroho wa ukombozi wa Kanaan katika kiwango cha dunia nzima chini ya Yesu.

Kwa sababu ya ukosefu wa imani wa Yohana Mbatizaji, mlolongo wa kwanza wa ukombozi wa Kanaan katika kiwango cha dunia nzima ukaishia kushindwa. Kilichofuata, Yesu, yeye mwenyewe, alijaribu kuweka msingi kwa ajili ya Masihi. Hata hivyo, kwa sababu watu hawakuweza kumfuata, na hasa kwa kuwa wanafunzi wake walikosa imani, mlolongo wa pili wa ukombozi wa Kanaan katika kiwango cha dunia nzima pia ulishindwa. Kwa hiyo, Yesu ilimpasa alazimike kusulibishwa. Katika Yohana 3:14, Yesu anasema, na kama Musa alivyoinua nyoka nyikani, hivyo lazima na mwana wa mtu atainuliwa juu.....” watu waliokuwa pamoja na Musa walipoumwa na nyoka na


kuanza kufa, Mungu alimwongoza Musa kuinua nyoka wa shaba ili kutoa njia ya wokovu kwa watu. Katika namna hiyo hiyo, nyakati za Yesu watu walipokosa imani, Mungu akalazimika kumwomba Yesu apitie njia ya msalabani.

Nini maana ya msalaba? Kama ilivyokwisha kufafanuliwa katika “dhumuni la Masihi”, dhumuni la kimasihi la Yesu lilikuwa ni kutimiza toleo la wokovu, ambao ni, kukamilisha Dhumuni la Uumbaji. Mtu aliumbwa akiwa na mwili, na mwili wa kiroho na mtu alianguka katika mwili na roho. Hivyo wokovu lazima uwe wa sehemu zote mbili za mwili na mwili roho ya mtu. Tunaposema tunamwamini kwa dhati Yesu na kumtii hili lina maana kuwa tunatimiza maadili ya kuwa mwili mmoja na yeye. Yesu alisema haya pale alipojilinganisha na mzabibu na waumini kama matawi (Yoh. 15:5), na pale aliposema, “siku hiyo mtajua kuwa mimi ni ndani ya Baba, nanyi ndani yangu na mimi ndani yenu. (Yoh. 14:20). Kwa bahati mbaya, watu hawakumwamini Yesu na hawakuwa mwili mmoja naye (hawakuungana kimwili) matokeo yake, Mungu ilimlazimu kumruhusu shetani auchukue mwili wa Yesu ili kulipia malipizi ya dhambi ya watu kukosa imani. Kwa jinsi hii, Yesu alikufa msalabani.

Kwa kuwa Yesu ndiye mzizi wa uzima wa watu wote, shambulio la shetani la mwili wa Yesu humaanisha kuwa hata watakatifu wanaomwamini Yesu na kuwa mmoja naye hawawezi kuepuka shambulio la miili yao (I Rom. 7:22-23). Haidhuru ni kwa kiwango gani wana imani, miili yao bado ipo katika ukanda wa shambulio la shetani. Hivyo, inawapasa wasali kila mara (I Wathesalonike 5:17), na watoto wao bado wana dhambi ya asili.

Kwa sababu ya usulibisho, watu walipoteza mwili wa maungo wa mwokozi na hivyo walipoteza mtendewa wao wa kimwili katika imani na hawakuweza kupokea wokovu wa kimwili. Kwa hiyo, mlolongo wa tatu wa ukombozi wa Kanaan katika upeo wa dunia yote haukuweza kuanzishwa kama mlolongo wa matendo kwa pande

zote mbili wa mwili na wa roho. Badala yake mlolongo huu wa ukombozi wa Kanaan katika upeo wa dunia yote ulikuwa wa kiroho na ulikuwa chini ya Yesu mfufuka.



*M = Mungu S=Shetani MR = Mtu wa Roho
MM = Mtu wa Mwili*

1. Msingi wa Imani wa Kiroho.

Kiongozi mkuu mwenye wajibu wa kujenga msingi wa imani wa kiroho alikuwa ni Yesu mfufuka. Katika kutimiza wajibu huo, alisimama katika nafasi ya Yohana Mbatizaji. Ingawa M

ungu alimuacha shetani achukue mwili wa Yesu ili ukosefu wa imani wa mtu ukombolewe, msingi wa wokovu wa kiroho uliwekwa pale Mungu, alipoutumia utii wa dhati wa Yesu kama msingi, akaifufua roho ya Yesu na kumweka katika nafasi ambamo shetani hawezi kumshambulia.

Yesu alisema “vunja hekalu hili, na katika siku tatu nitalijenga tena” (Yoh. 2:19). Kwa hakika alikuwa anazungumzia kufufuka kwake

mwenyewe katika siku tatu. Yesu mfufuka akawa kiongozi mkuu wa kujenga msingi wa imani wa kiroho. Katika kipindi cha siku arobaini baada ya kufufuka kwake, Yesu aliweka msingi wa kiroho wa kutenganishwa na shetani. Hili pia lilijenga Msingi wa imani wa kiroho wa mlolongo wa tatu wa kiroho wa ukombozi wa Kanaan katika upeo wa dunia yote.


Ni wazi Yesu mfufuka hakuwa sawa na wakati alipokuwa anaishi na wanafunzi wake kabla ya usulibisho. Tayari alishakuwa nafsi-roho ambaye alipita mida na fursa na asingeonekana kwa macho ya kawaida ya maungo, (Luka 24:16). Kwa mfano: wakati fulani alitokeza ghafla katika chumba kilichofungwa ambamo wanafunzi wake walikutana (Yoh. 20:19) na katika tukio jingine alitokeza pwani ya bahari ya Tiberia na hakuweza kutambulika na wanafunzi wake (Yoh. 21:1-4); katika tukio jingine, ghafla aliwatokea wanafunzi wawili wakielekea Emmau na akaondoka nao kwa mwendo kitambo bila kumtambua (Lk. 24:15-16). Kama jambo la hakika, Maria, ambaye alikuwa wa kwanza kukutana na Yesu mfufuka hakuweza kumtambua (Yoh. 20:14). Wakati wa kipindi cha siku – arobaini duniani baada ya kufufuka, Yesu aliwatokea wanafunzi wake dhidi ya mida muda na fursa, na hivyo kuweka msingi wa imani wa kiroho.

2. Msingi wa matendo wa kiroho

Kwa kuweka msingi wa imani, katika msingi wa kiongozi mkuu kwa ajili ya kuweka msingi wa kiroho wa matendo, hii ndiyo kusema, pia alipata msingi wa nguvu za kiroho, hii ndiyo kusema pia, alipata nafasi ya kiroho ya Abeli.

Mungu hakuweza tena kuendelea kujihusisha moja kwa moja na wayahudi, kwani walimsaliti Yesu; hivyo alihitaji Israel mpya; hii ndiyo “Israel ya pili” ambayo itamfuata Yesu mfufuka kwa imani ya dhati. Israel mpya, katika nafasi ya Kaini, ilikuwa iamini na kumtii Yesu, Abeli wa kiroho, na hivyo kujenga msingi wa kiroho wa matendo. Yesu

alifanya juhudi kubwa ili kujenga msingi wa kiroho wa matendo, ambao ungejenga wateule wafufuka wapya ambao wangeunganika naye katika imani.



Matendo 1:3 huongea juu ya wanafunzi wa Yesu, kwa kusema kwao alijionyesha yu hai baada ya kuteswa kwake, kwa dalili nyingi, aliwatokea katika kipindi cha siku arobaini, na kuzungumzia juu ya ufalme wa Mungu. Yesu aliwakusanya wanafunzi wake, waliokuwa wametawanyika baada ya kupoteza imani, na kutokea mara nyingi mfululizo, akiwafundisha kuwa na imani ya dhati kwake kama Masihi.

Na kwa kuanzia kwa Musa na manabii, aliwaelezea maandiko yote yanayomhusu. (Lk. 24:27). Na Yesu alikuja na kusema nao, “mamlaka yote mbinguni na duniani nimepewa mimi” enendeni basi na mkawafanye mataifa yote kuwa wanafunzi wangu mkiwabatiza kwa jina la Baba, na la Mwana na la Roho Mtakatifu, mkiwafundisha kuzingatia yale niliyowaamuru; na

tazama nipo pamoja nanyi kila wakati, mpaka mwisho wa zama. (Math. 28:18-20).

Wakati akiwa anakaa nao aliwaasa wasiondoke Yerusalem lakini wasubiri ahadi ya Baba, ambayo, alisema, “mlisikia toka kwangu, kwamba Yohana alibatiza kwa maji, lakini kabla ya siku nyingi mtabatizwa kwa Roho Mtakatifu”. (Matendo. 1:4 -5)

Yesu alifanya miujiza mingi (mf. Yoh. 20:19; 21:6); alimtia imani Tomasi mkosa imani (Yoh. 20:26-29); alimfanya Petro aahidi ufuasi wa dhati kwake (Yoh. 21:15-18); na aliwafundisha wanafunzi wake kuwa mizizi ya Israel mpya. Wanafunzi walitoa maisha yao kuamini, kutumikia, na kumfuata Yesu mfufuka, tofauti na njia ya zamani ambayo walimwamini kwa udhaifu. Hivyo, waliweza kuweka msingi wa kiroho wa matendo.

3. Msingi wa kiroho kwa ajili ya Masihi

Msingi kwa ajili ya Masihi ni ule hasa msingi ambao kwake Masihi anaweza kuokoa namna zote mbili kimwili na kiroho. Lakini Yesu mfufuka aliyekuwa akichukua jukumu la Yohana Mbatizaji wa kiroho angeweza kukomboa tu msingi wa kiroho kwa ajili ya Masihi (Msingi kwa ajili ya Masihi katika dunia ya kiroho)kwanza akiweka msingi wa kiroho wa imani (Msingi wa Imani katika duinia ya kiroho) na baadae msingi wa kiroho wa matendo (msingi wa matendo katika dunia ya kiroho). Jukumu la awali la Yesu lilikuwa si kuchukua utume wa Yohana Mbatizaji. Hivyo, mara alipoweka msingi wa kiroho kwa ajili ya Masihi, alisimama kama Masihi wa kiroho.

Hakuna masharti ya madai toka kwa shetani katika ukanda wa ufufuo ambao Yesu aliuweka (kulingana na kanuni ya ukombozi kwa njia ya malipizi) kwa kumwachia shetani achukue maisha yake. Hivyo, msingi wa imani ambao Yesu mfufuka aliuweka katika upande wa kiroho hauharibiki kwa uvamizi wa shetani. Msingi wa kiroho wa matendo

unawekwa kwa kumwamini Yesu katika maisha ya mtu mwenyewe kwa hiyo haudhuriki kwa shambulio la kiroho la shetani, na msingi wa kiroho kwa ajili ya Masihi ni eneo ambalo shetani hawezi kuliingilia.

Jukumu muhimu sana la Masihi ni dhima (wajibu) wa Baba wa kweli. Yesu mfufuka alikuwa Baba wa kweli wa kiroho kwa kumkomboa Roho Mtakatifu. Kuja kwa Roho Mtakatifu kulikowekwa katika kumbukumbu ya matendo ni ujio wa Mama wa kweli wa kiroho. Yesu mfufuka, kama Baba wa kweli wa kiroho, na Roho Mtakatifu, kama Mama wa kweli wa kiroho, wanafanya kazi pamoja ili kuwazaa mara ya pili kiroho wote waaminio. Kwa hiyo yeyote anayemwamini Yesu na Roho Mtakatifu, ambao ni wazawa wa kweli wa kiroho, na akapandikizwa kiroho kwao anasimama katika msingi wa kiroho kwa ajili ya Masihi na atakuwa na wokovu wa kiroho (Yoh. 3:16).

Wokovu wa kiroho una maana waumini wanakombolewa tu kama watoto wa kiroho wa Mungu, kupitia kwa wazazi wa kiroho, hii ndiyo kusema, ni Kanaan ya kiroho tu imekombolewa. Kwa hiyo, wakristu wanaweza kupokea faida ya kuanzishwa kwa Kanaan ya kiroho, na bado wana miili inayoweza kushambuliwa na shetani, kama mwili wa Yesu, mpatanishi wa watu, mwili wake ulishambuliwa na shetani. Matokeo yake, Dhambi ya Asili bado ipo ndani mwa mtu (Warumi. 7:25).

Masihi lazima arudi tena ili atimize wokovu na kukomboa kanaan ya umbo ambapo mtu anaweza kukombolewa kwa namna zote mbili kiroho na kimwili kama watoto wa kweli wa Mungu, Waisrael wakiongozwa na Musa, kiroho waliingia kanaan, kizazi cha pili cha Waisrael, kilichoongozwa na YOSHUA, kimwili waliingia Kanaan ya kitaifa. Hili limefafanuliwa katika “Musa katika Toleo la Ukombozi”. Vile vile, wakristo wakiongozwa na Yesu, walianzisha Kanaan ya kiroho katika upeo wa dunia, na wakati wa ujio wa pili, Masihi kama

Yoshua atawaongoza wakristo kujenga Kanaan ya kimwili katika upeo wa dunia.

B. Mlolongo wa kimwili katika upeo wa dunia wa kuikomboa Kanaan chini ya Bwana wa ujio wa pili.

Kama, wakati wa ujio wa pili, wale wenye jukumu la Yohana Mbatizaji watahondwa kutimiza majukumu yao, Bwana wa ujio wa pili yeye mwenyewe atachukua dhima ya Yohana Mbatizaji na kuweka msingi wa imani wa awamu ya tatu ya kimwili ya mlolongo wa Kanaan upeo wa dunia. Haidhuru njia hiyo itakuwa ngumu kiasi gani ambayo atapitia Bwana wa ujio wa pili, watu wanyenyekevu watakusanyika kwake, wakimwamini na kumtumikia, wakijenga msingi wa matendo katika awamu ya kimwili ya tatu upeo wa dunia kwa Kanaan.

Bwana wa ujio wa pili lazima aje ili awakomoe watu wote na kuelekea ubini wa moja kwa moja wa Mungu, kama watoto wa Mungu. Vile vile, lazima azaliwe duniani, katika mwili kama Yesu alivyokuwa. Lazima akomoe, kwa njia ya malipizi, mlolongo wa kutokwa machozi ambao Yesu ilimlazimu kuupitia, na katika kianzio cha msingi wa matendo kwa ajili ya Masihi, lazima apandikize watu wote kiroho na kimwili. Watu hatimae watakuwa katika ubini (nasaba) wa moja kwa moja na Mungu, kwa kuondoa dhambi ya asili kupitia kwa Bwana wa ujio wa pili.

Awamu ya kiroho ya mlolongo wa tatu upeo wa dunia kuelekea Kanaan, ambao ulianza na msingi wa kiroho kwa ajili ya Masihi, umepanua eneo lake kufikia kiwango cha dunia yote katika miaka elfu mbili ya mwisho iliopita. Kama vile Yoshua alivyorithi utume wa Musa na kumaliza mlolongo wa



kitaifa kuingia kanaan, vivyo hivyo Bwana wa ujio wa pili atakamilisha ujenzi wa Ufalme wa Mbinguni kwa kukamilisha katika kiwango cha mwili, mlolongu wa tatu upeo wa dunia kuingia kanaan ambao ulianza chini ya Yesu.

Kama vile ambavyo Yesu alipitia njia ya mateso ya ukombozi wa kiroho ikiwa ni matokeo ya kukosa imani watu wateule wa Israel, vivyo hivyo Bwana wa ujio wa pili ataonja mateso ya aina hiyo hiyo kama na ikiwa Israel ya pili, wakristu, wataanguka katika kukosa imani. Na kama vile Yesu alivyoiacha Israel ya kwanza na kuanza mlolongu mpya, chini ya wakristu kama Israel ya pili, hivyo pia, kama Bwana wa ujio wa pili atakataliwa na wakristu, ataanza Israel ya tatu.